



葛仙翁肘後備急方卷之七

松江李林馥啟賢氏重校

陸七

瘦樵程永培校

治為熊虎爪牙所傷毒痛方第五十三

葛氏方燒青布以燻瘡口毒即出仍煮葛根令濃以洗瘡搗乾葛根末以煮葛根汁服方寸七日五夜一則佳

又方嚼粟塗之姚同 又煮生鐵令有味以洗瘡上姚同

凡猛獸毒蟲皆受人禁氣將入山草宜先禁之其經術云 到山下先閉氣三十五

息存神仙將虎來到吾前乃存吾肺中有白帝出把虎兩目塞吾下部乃又吐肺氣自通冠一山林之上於是良久又閉氣三十五息兩手捻都監自作二步步昏以右足在前乃止祝曰李耳李耳圖汝非李耳耶汝盜黃帝之犬黃帝教我問汝汝答之云何畢便行一山之虎不可得見若逢之者目向立大張左手五指側之極勢跳手上下三度於跳中大喚咄虎北斗君汝去虎即走止宿亦先四向如此又燒牛羊角虎亦不敢近人又搗雄黃紫石縫囊貯而帶之

附方

梅師方治虎傷人瘡 但飲酒常令大醉當吐毛出

治卒有獠犬凡所咬毒方第五十四

療獬犬咬人方 先嚼却惡血灸瘡中十壯明日以去日灸一壯滿百乃止姚云酒
又云地榆根末服方寸七日一二亦末傳瘡上生根搗傅佳 又方到虎牙若虎骨
服一七已發如獬犬者服此約即差姚同 又方仍殺所咬犬取腦傅之後不
復發 又方搗薤汁傅之又飲一升日三瘡乃差 又方末礬石內瘡中裏之止
瘡不壞速愈神妙 又方頭髮蟬皮燒末水和飲一杯若或已自赤口噤者折齒
下之姚云二物等分 又方搗地黃汁飲之並以塗瘡過百度止 又方末乾姜
常服並以內瘡中

凡獬犬咬人七日一發過三七日不發則脫也要過百日乃為大免 每到七日輒
當飲薤汁三二升又當終身禁食犬肉蚕蛹食此發則不可救矣瘡未差之間亦
忌生物諸肥膩及冷但於餅下蒸魚及就膩氣中食便發不宜飲酒能過一年乃
佳

若重發療方 生食蟾蜍鱸絕良驗姚同亦可燒炙食之不必令其人知初得噉便
為之則後不發姚剝作鱸吞蒜齏下 又方搗姜根汁飲之即差 又方服蔓菁
汁亦佳

又凡犬咬人 取竈中熟灰以粉瘡傅之姚同

又方火災蠟以灌瘡中姚同 又方以頭垢少少內瘡中以熟牛屎塗之佳姚同

又方投蓼以傅瘡上 又方乾姜末服二七姜汁服半升亦良 又方但依樹犬法彌佳燒蟾蜍及末礬石傅之尤佳

得犬齧者難療凡犬食馬肉生狂方 及尋常忽鼻頭燥眼赤不食避人藏身皆欲發狂便宜枸杞汁煮糜飼之即不狂若不肯食糜以鹽伺鼻便忽塗其鼻既舐之則飲食矣神驗

附方

梅師方治狂狗咬人 取桃白皮一握水三升煎取一升服
食療治犬傷人 杵生杏仁封之差

治卒毒及狐溺棘所毒方第五十五

馬嚼人作瘡有毒種熱疼痛方 刺雞冠血瀝著瘡中三下若駁馬用雌雞草馬用雄鷄姚同 又方炙瘡及腫上差

若瘡久不差者 馬鞭稍長二寸鼠矢二七枚燒末膏和傅之效

又方以婦人月經傅上最良姚云神效

人體上先有瘡而乘馬馬汗若馬毛入瘡中或但為馬氣所蒸皆致腫痛煩熱入腹則殺人 燒馬鞭皮末以膏和傅上 又方多飲淳酒取醉即愈

又剝死馬馬骨傷人手毒攻欲死方 便取死馬腹中屎塗之即差姚同

又方以手內女人陰中即愈有胎者不可令胎墮

狐尿棘刺刺人腫痛欲死方 破雞搗之即差

又方以熱桑灰汁漬冷復易取愈

小品方以熱蠟著瘡中又烟燻之令汁出即便愈此狐所尿之木猶如蛇蛭也此下有魚骨傷人

附方

圖經云治惡刺及狐尿刺 搗取蒲公英根莖白汁塗之惟多塗立差止此方出孫思邈千金方其序云余以正觀五年七月十五日夜以左手中指背觸著庭木至曉遂患痛不可忍經十日痛日深瘡日高大色如熟小豆色嘗聞長者之論有此方遂依治之手下則愈痛亦除瘡亦即差未十日而平復楊炎南行方亦著其效云效方治狐尿刺螫痛 杏仁細研煮一兩沸承熱以浸螫處數數易之

外臺祕要治刺馬被骨刺破中毒欲死 取刺馬腹中糞及馬尿洗以糞溥之大驗絞糞汁飲之效

聖惠方治馬咬人毒入心 馬齒莧湯食之差

靈苑方治馬汗入瘡腫痛漸甚宜急療之遲則毒深難理 以生烏頭末傅瘡口良久有黃水出立愈

王氏博濟治鹽涎馬汗毒所傷神效 白礬飛過黃丹炒令紫色各等分相家合調
貼患處

治卒青蛙虺衆蛇所螫方第五十六

葛氏竹中青蜂螫人方 雄黃射香乾姜分等搗篩以麝芮和之著小竹管帶之行
急便用傅瘡兼衆蛇虺毒之神良

又方破烏雞熟傅之 蛇綠色喜綠樹及竹上大者不過四五尺皆呼為青條蛇人
中立死

葛氏毒蛇螫人方 急掘作坑以埋瘡處堅築其上毒即入土中須臾痛緩乃出
徐王治蛇毒方 用搗地榆根絞取汁飲兼以漬瘡

又方搗小蒜飲汁以滓傅瘡上 又方猪耳垢著瘡中牛耳中垢亦可用之良 又
方嚼鹽唾上訖灸三壯復嚼鹽唾之瘡上 又方搗薤傅之 又方燒蜈蚣末以

傅瘡上 又方先以無節竹筒著瘡上鏤蠟及蜜等分灌筒中無蜜單蠟亦通
又方急且尿瘡中乃拔向日閉氣三步以刀掘地作小坎以熱湯沃坎中淫作丸

如梧子大服之並以少泥泥之瘡上佳 又方桂心苦蓼分等為末用小竹筒密
塞之以帶行卒為虺蛇即傅之此葯療諸蛇毒塞不密則氣歇不中用

一切蛇毒 急灸瘡三五壯則衆毒不能行

蛇毒 搗鬼針草傅上即定

又方荆葉袋貯薄瘡腫上 又方以射芮塗腫上血出乃差 又方以合口椒並葉

搗傅之無不止 又方切葉刀燒赤烙之

附方

梅師方治蛇虺螫人 以獨頭蒜酸草搗絞傅所咬處

廣利方治蛇咬方 取黑豆葉剉杵傅之日三易良

廣濟方治毒蛇咬方 菝蔣草根灰取以封之其草似鸞尾也

兵部手集主蛇蠍蜘蛛毒 雞卵輕敲一小孔合咬處立差

劉禹錫傳信方治蛇咬蝎螫 燒刀子頭令赤以白礬置刀上看成汁便熱滴咬處

立差此極神驗得力者數十人貞元三十二年有兩僧流向南到鄧州俱為蛇咬

令用此法救之傅藥了便發更無他苦

治蛇瘡敗蛇骨刺人入口繞身諸方第五十七

葛氏凡蛇瘡未愈禁熟食食便發癢之依初螫人法

蛇螫人九竅皆血出方 取蚤蟲初食牛馬血腹滿者二七枚燒服之

此上蛇瘡敗及洪腫法方蛇螫人牙折入肉中痛不可堪方 取蝦蟇肝以傅上立

出 又方先密取行葉當其上穿勿令人見以再覆瘡口上一時著葉當上穿穿

即折牙出也

蛇骨刺人毒痛方 以鐵精如大豆者以管吹瘡內姚同

又方燒死鼠搗傅之瘡上

蛇螫人瘡已合而餘毒在肉中淫淫痛痒方 取大蒜小蒜各一升合搗熟湯淋取

汁灌瘡中姚同

蛇卒繞人不解方 以熱湯淋即解亦可令就尿之

蛇入人口中不出方 艾灸蛇尾即出若無火以刀周匝割蛇尾截令皮斷乃將皮

倒脫即出小品同之

七八月諸蛇毒旺不得洩皆嚙草木即枯死名為蛇蟻此物傷人甚於蛇螫即依蛇

螫之法療之

附方

廣利方治蛇咬瘡 煖酒淋洗瘡上日三易

聖惠方治蛇入口並入七孔中 割母猪尾頭瀝血滴口中即出

治卒入山草禁辟眾蛇藥術方第五十八

辟眾蛇方 同前姚氏仙人入山草法

辟蛇之藥雖多唯以武都雄黃為上帶一塊石稱五兩於肘間則諸蛇毒莫敢犯

他人中者便磨以療之又帶五疔黃丸良丸有蜈蚣故方在於備急中此下有禁法云不受而行則無驗

中蛇毒勿渡水渡水則痛甚於初螫亦當先存想作大蜈蚣前已隨後渡若乘船渡不作法殺人

入山並不得呼作蛇皆喚為蛇中之者彌宜勿悞辟蛇法 到處燒殺羊角令有煙出地則去矣

附方

廣利方治諸蛇毒螫人欲死兼辟蛇 乾姜雄黃等分同研用小絹袋貯繫臂上男左女右蛇間約氣逆避人螫毒傳之

治卒蜈蚣蜘蛛所螫方第五十九

葛氏方割雞冠血塗之 又方以鹽絨瘡上即愈云蜈蚣去遠者即不復得 又方鹽熱漬之 又方嚼大蒜若小蒜或桑樹白汁塗之亦以麻履底土搯之良

蜈蚣甚齧人其毒殊輕於蜂當時小痛而易歇蜘蛛毒亦療 生鐵衣醋研取濃汁塗之又烏麻油和胡粉傳上乾復易取差取羊桃葉傳之立愈

附方

蛭 蝎 蜈蚣 咬人 門 蝮 尿 及 惡 蟲 咬 人 門 蝮

梅師方治蜈蚣咬人痛不止 獨頭蒜磨螫處痛止

又經驗後方燒雞屎酒和傅之佳又取雞屎和醋傅之 聖惠方治蜈蚣咬方 用
蝸牛擦取汁滴入咬處

兵部手集治蜘蛛咬遍身成瘡 取上好春酒飲醉使人翻不得一向臥恐酒毒腐
人須臾蟲於肉中小如米自出 又譚氏小兒方以葱一枝去尖頭作孔將蚯蚓
入葱葉中緊捏兩頭勿洩氣頻搖動即化為水點咬處差

劉禹錫傳信方治蟲多傷咬 取大藍汁一碗入雄黃射香二物隨意看多少細研
投藍中以點咬處若是毒者即並細服其汁神異之極也昔張員外在劍南為張
延賞判官忽被斑蜘蛛咬項上一宿咬有二道赤色細如箸繞項上從胃前下至
心經兩宿頭面腫疼如數升盆大肚漸腫幾至不救張相素重薦薦因出家資五百
千並薦家財又數百千募能療者忽一人應召云可治張相初甚不信欲驗其方
遂令目前合葯其人云不惜方當療人性命耳遂取大藍汁一甕碗取蜘蛛投之
藍汁良久方出得汁中其困不能動又別搗藍汁加射香末更取蜘蛛投之至汁
而死又更取藍汁射香復加雄黃和之更取一蜘蛛投汁中隨化為水張相及諸
人甚異之遂令點於咬處兩日內悉平愈但咬處作小瘡如落如舊

經驗方治蜘蛛咬遍身生絲 羊乳一升飲之貞元十年崔員外從質云目擊有人
被蜘蛛咬腹大如孕婦其家棄之乞食於道有僧遇之教飲羊乳未幾日而平

又方治蚯蚓咬 濃作鹽湯浸身數遍差浙西將軍張韶為此蟲所咬其形大如風眉鬚皆落每夕蚯蚓鳴於體有僧教以此方愈

又方治蚯蚓蟲咬其形如大風眉鬚皆落 以石灰水浸身亦良

聖惠方主蚰蟻咬人方 以雞屎傅之

又方治螻蛄咬人 用石灰醋塗之

廣利方治蠶咬人 射香細研蜜調塗之差

千金方治蠮螋尿瘡 棟樹枝皮燒灰和猪膏傅之 又方杵豉傅之 又方以酢

和粉傅之

又方治蠮螋蟲尿人影 著處便令人體病瘡其狀如粟粒累累一聚慘痛身中忽

有處燥痛如芒刺亦如刺蟲所螫後細瘡癩作叢如茱萸子狀也四畔赤中央有

白膿如黍粟亦令人皮急舉身惡寒壯熱極者連起竟腰脇胃也治之法初得磨

犀角塗之止

博物志治蠮螋蟲溺人影亦隨所著作瘡 以雞腸草汁傅之良

外臺秘要治蠮螋尿瘡繞身匝即死 以鷲巢中土猪脂苦酒和傅之

又方治蠮螋尿瘡 燒鹿角末以苦酒調塗之

錢相公方療蠮螋尿瘡黃水出 嚼梨葉傅之乾即易

勝金方治蠮螋尿人成瘡初如慘梁漸大如豆更大如火烙漿胞疼痛至甚宜速用草茶并臘茶俱可以生油調傅上其痛約至立止妙

聖惠方治惡蟲咬人 用紫草油塗之 又方以酥和鹽傅之

治卒蠮螋方第六十

以玉壺丸及五蛄丸塗其上並得 其方在備急丸散方中 又方取屋雷下土水和傅之

治卒蜂所螫方第六十一

蜂螫人 取人尿洗之 又方穀樹桑樹白汁塗之並佳 又方刮齒垢塗之又破蜘蛛又煮蜂房塗之燒牛角灰苦酒和塗之又斷葫摺之又嚼青蒿傅之

附方

千金方治蜂螫人 用露蜂房末猪膏和傅之楊氏產乳蜂房煎湯洗亦得

又外臺秘要按薄荷貼之差 又聖惠方以酥傅之愈

沈存中筆談云處士劉湯隱居王屋山嘗於齋中見一大蜂窠為蛛網絲縛之為蜂所螫墜地俄頃蛛鼓腹欲裂徐徐行入草咬芋梗微破以瘡就咬處磨之良久腹漸消輕躁如故自後人有為蜂螫者按芋梗傅之則愈

治卒蝎所螫方第六十二

蝎螫人 温湯漬之 又方按馬苜大蒜又嚼乾姜塗之佳姚方以冷水清螫處即
不痛水微煖便痛即易水又以冷漬故布搗之數易

新效方蜀葵花石榴花艾心分等並五月五日午時取陰乾合搗和水塗之螫處立
定二夜未定又鬼針草按汁傅之立差又黃丹醋塗之又生烏頭末唾傅之嚼乾
姜塗之又射芮封之温酒漬之即愈

附方

孫真人食忌主蠍螫 以礬石一兩醋半升煎之投礬石於醋中浸螫處

又勝金方烏頭末少許投醋調傅之 又錢相公篋中方取半夏以水研塗之立止

又食醫心鏡以醋磨附子傅之 又經驗方以驢耳垢傅之差崔給事傅

廣利方治蠍螫人痛不止方 楮樹白汁塗之立差

治中蠱毒方第六十三

葛氏方療蠱毒下血方 殺羊皮方三寸得敗鼓亦好藁荷葉苦參黃連當歸各二

兩水七升煮二升分三服一方加犀角升麻各三兩無藁荷葉用茜根四兩代之

佳

人有養畜蠱以病人其詠法 中蠱令人心腹切痛如有物咬或吐下血不即療之

食人五藏則死矣欲知蠱與非蠱當令病人吐水中沉者是浮者非小品姚並同

欲知蠱毒姓名主方 取鼓皮少少燒末飲病人病人須當自然呼蠱主姓名可語
便去則便愈亦見蛇蚘合作蠱毒著飲食中使人得痲病此一種積年乃死療之
各自有藥又囊荷葉密著病人卧席下其病人曰自呼蠱主姓名也

療中蠱毒吐血或下血皆如爛肝方 茜草根囊荷根各三兩咬咀以水四升煮取
二升去滓適寒溫頓服即愈又自當呼蠱主姓名茜草即染絳草也小品并姚方
同也

又方巴豆一枚去心皮熬鼓三粒釜底墨方寸七合搗為三丸一丸當下毒不可者
更服一丸即下

又方鹽一升淳苦酒和一服立吐即愈小品同支方苦酒一升煮鹽消服愈 又方
取蚯蚓十四枚以苦酒三升漬之蚓死但服其汁已死者皆可活 又方苦瓠一
枚水二升煮取一升服立即吐愈小品同支方用苦酒一升煮令消服神驗 又
方皂莢三挺炙去皮子酒五升漬一宿去滓分三服小品同

療飲中蠱毒令人腹內堅痛面目青黃淋露骨立病變無常方取鉄精搗之細篩又
別搗烏雞肝以和之丸如梧子大服三丸甚者不過十日微者即愈別有鉄精方

又方猪肝一具蜜一升共煎之令熟分為二十服秘方小品同支方分作丸亦得
又方取棗木心剉得一斛著釜中淹之令上有三寸水煮取二斗澄取清微火煎

得五升宿勿食且服五合則吐盡毒出小品姚同之 又方雄黃丹砂藜蘆各一

兩搗末旦以并華水服一升圭當下吐盡蟲出 又方隱葱草汁飲一二升此草

桔梗苗人皆食之

治蠱已食下部肚盡腸穿者 取長股蝦蟇墓青背一枚雞骨支方一分燒為灰合內

下部令深入小品同支方屢用大驗姚方亦同 又方以猪胆瀝內下部中以綿

深導內塞之

又方五蠱黃丸最為療蠱之要其方在備急條中復有自然飛蠱狀如鬼氣者難

此諸種得真犀射香雄黃為良葯人帶此於身亦預防之

姚氏療中蠱下血如雞肝出石餘四藏悉壞唯心未毀或鼻破

待死方 末桔梗酒服一七日一二葛氏方也

支大醫有十數傳用方 取馬兜零根搗末水服方寸七隨吐則出極神驗此物苗

似葛蔓緣柴生子似橘子

凡畏已中蠱欲服甘草汁 宜生煮服之當吐疾出若平生預服防蠱毒者宜煎炙

煮服即內消不令吐神驗

又方甘草炙每含咽汁若因食中蠱反毒即自吐出極良常含咽之永不慮葯及蠱

毒也

又有解百毒散在後葯毒條中亦療方 桑白汁一合服之須臾吐利蠱出
席辯刺史傳效二方云並試用神驗 斑猫蟲四枚去足翅炙桃皮五月初五採取
去黑皮陰乾大戟凡三物並搗別篩取斑猫一分桃皮大戟各二分合和棗核大
以米清飲服之訖吐出蠱一服不差十日更一服差此蠱洪州最多老媪解療一
人得縑二十疋秘方不可傳其子孫犯法黃花公若干則為都督因以得之流傳
老媪不復得縑席云已差十餘人也

又方殺羊皮方寸七葉荷根四兩苦參黃連各二兩當歸犀角升麻各三兩七物以
水九升煮取三升分三服蠱即出席云曾與一人服應時吐蜂兜數升即差此是
姚大夫方

附方

千金翼方療蠱毒 以檨木北陰白皮一大握長五寸以水三升煮取一升空腹分
服即吐蠱出也

又治蠱毒下血 蝟皮燒末水服方寸七當吐蠱毒
外臺祕要救急治蠱 以白鴿毛糞燒灰飲和服之

楊氏產乳療中蠱毒 生玳瑁以水磨如濃飲服一盞自解
聖惠方治小兒中蠱下血欲死 搗青藍汁頻頻服半合

治卒中溪毒方第六十四

姚氏中水毒祕方 取水萍曝乾以酒服方寸匕差止又云中水病手足指冷即是若暖非也其冷或一寸極或竟指未過肘膝一寸淺至於肘膝為劇

葛氏水毒中人一名中溪一名中灑

東人呼為蘇駭切

一名水病似射工而無物其詠法 初得之惡寒頭微痛目注疼心中煩懼四肢振淅骨節皆強筋急但欲睡旦醒暮劇手逆冷三日則復生蟲食下瘡不痛不痒不冷人覺視之乃知不即療過六七日下部膿潰蟲食五藏熱極煩毒注下不禁八九日良醫不能療覺得急當深視下部若有瘡正赤如截肉者為陽毒最急若瘡如蠱魚齒者為陰毒犹小緩要昏熱人不過二十日欲知是中水毒當作數升湯以小蒜五寸咬咀投湯中莫令大熟熟即無力掇去滓適寒温以浴若身體發赤斑文者又無異証當以他病療之也

病中水毒方 取梅若桃葉搗絞汁三升許以少水解為飲之姚云小兒不能飲以汁傅乳頭與之

又方常思草搗絞飲汁一二升并以綿染寸中以導下部日三過即差 又方搗藍青汁以少水和塗之頭面身體令函 又方取梨葉一把熟搗以酒一杯和絞服之不過三 又方取蛇莓草根搗作末服之並以導下部亦可飲汁一二升夏月

常行欲入水浴先以少末投水中流更無所畏又辟射工家中雖以器貯水浴亦宜少末投水中大佳

今東閩諸山縣無不病溪毒春月皆得亦如傷寒呼為溪温未必是射工輩亦盡患瘡痢但寒熱煩疼不解便致死耳方家用藥與傷寒温疾相似令施其單法 五加根燒末酒若漿水飲之荆葉汁佳千金不傳祕之

又方密取蓼搗汁飲一二合又以塗身令周匝 取牛膝莖一把水酒共一杯清絞取汁飲之日三雄牛膝莖紫色者是也

若下部生瘡已決洞者 秫米一升鹽五升水一石煮作糜坐中即差

又方桃皮葉熟搗水漬令濃去滓著盆中坐漬之有蟲出

又方皂莢燒末綿裹導之亦佳又服牡丹方寸七日三服

治卒中射工水弩毒方第六十五

江南有射工毒蟲一名短狐一名蜮常在山間水中人行及水浴此蟲口中橫骨角弩即以射人形影則病其詠法 初得或如傷寒或似中惡或口不能語或惡寒熱四肢拘急旦可暮劇困者三日齒間血出不療即死其中人有四種初覺則偏身體視之其一種正黑如墨子而繞四邊犯之如刺狀其一種作瘡瘡久即穿隘一種突起如石其一種如火灼人肉燦起作瘡此種最急並皆熬人居溪傍濕地

天大雨或逐人行療流入人家而射人又當養鵝鴨亦可以食人行將純白鷺以辟之白鴨亦善帶如生犀角佳也

若見身中有此四種瘡處便急療之 急周繞徧去此瘡邊一寸輒灸一處百壯瘡亦百壯則差

又方赤莧莖葉搗絞取汁飲之以滓傅之姚云服七合日四五服 又方蒟蒜令傅以搗瘡上炙蒜上千壯差 又方白雞矢白者二枚以小錫和調以傅瘡上 又方鼠婦蟲豉各七合巴豆三枚去心合猪脂但以藥塗之 又方取水上浮走豉母蟲一枚置口中便差云此蟲正黑如大豆浮水上相遊者 又方取早茨一槌尺二者槌碎苦酒一升煎如飴去滓傅之痛處差 又方馬齒莧搗飲汁一升滓傅瘡上日四五徧則良驗

又方升麻烏髮各二兩水三升煮取一升盡服之 滓傅瘡上不差更作姚同更加犀角二兩 云此蟲含沙射人影便病欲渡水先以石投之口邊角弩發矢言口之兩角能屈伸再而竭二而衰

冬月則蟄 有一長角橫在口前弩弦臨其角端曲如上弩以氣為矢用水勢以射人人中之便不能語餘狀如葛氏所說

山水間多有沙虱甚細略不可見人入水浴及以水澡浴此蟲在水中著人身及陰
天兩行草中亦著人便鑽入皮裡其診法 初得之皮上正赤如小豆黍米粟粒
以手摩赤上痛如刺三日之後令百節強疼痛寒熱赤上發瘡此虫漸入至骨則
殺人自有山澗浴畢當以布拭身數徧以故帛拭之一度乃傅粉之也

又療沙虱毒方 以大蒜十片著熱灰中温之令熟斷蒜及熱注瘡上盡十片復以
艾灸瘡上七壯則良

又方斑猫二枚熬一枚末服之燒一枚令絕烟末以傅瘡上即差又以射芮傅之佳
又方生麝香大蒜合搗以羊脂和著小筒子中帶之行今東間水無不有此浴竟中
拭燻燻如芒毛針刺熟看見則以竹葉抄挑去之

此見嶺南人初有此者即以茅葉細細刮去及小傷皮則為佳仍數塗苦苣菜汁佳
已深者針挑取蟲子正如疥蟲著瓜上映光方見行動也若挑得便就上炙三四壯
則蟲死病除 若覺猶昏昏見是毒已太深便應依土俗作方術拂出乃用諸湯
藥以浴皆一二升出都盡乃止亦依此方並雜治中溪毒及射工法急救七日中
宜差不爾則仍有飛虫在身中噉人心藏便死慎不可輕

治卒服藥過劑煩悶方第六十七

服藥過劑煩悶及中毒多煩悶欲死方 刮東壁王少少以水一二升和飲之良

又方於屋雷下作坎方二尺深三尺以水七升灌坎中以物揚之令沫出取一升飲之未解更作

又方搗藍取汁服數升無藍只洗青絹取汁飲亦得

服藥失度心中苦煩方 飲生葛根汁大良無生者乾葛為末水服五合亦可煮服之

又方吞雞子黃數枚即愈不差更作

服石藥過劑者 白鴨屎末和水調服之差

又方大黃三兩芒硝二兩生地黃汁五升煮取三升分三服得下便愈

若卒服藥吐不止者 飲新汲水一升即止

若藥中有巴豆下痢不止方 未乾姜黃連服方寸七差 又方煮豆汁一升服之

差

附方

外臺秘要治服藥過劑及中毒煩悶欲死 燒犀角末水服方寸七

治卒中諸藥毒救解方第六十八

治食野葛已死方 以物開口取雞子三枚和以吞之須臾吐野葛出

又方溫猪脂一升飲之 又方取生鴨就口斷鴨頭以血瀝口中入咽則活若口不

可開者取大竹筒洞節以頭注其脇取冷水竹筒中數易水須臾口開則可得下
藥若人多者兩脇及臍中各與筒甚佳 又方多飲甘草汁佳

姚方中諸毒藥及野葛已死方 新小便和人尿絞取汁一升頓服入腹即活解諸
毒無過此汁

中酖毒已死者 粉三合水三升和飲之口禁以竹管強開灌之

中射芮毒 藍汁大豆猪犬血並解之

中狼毒毒以藍汁解之 中狼葵毒以葵根汁解之 中蕪芎毒以雄黃葱汁並可

解之 中躑躅毒以梔子汁解之

中巴豆毒 黃連小豆藿汁大豆汁並可解之

中雄黃毒以防己汁解之

中蜀椒毒中蜈蚣毒 二毒桑汁煮桑根汁並解之

中礬石毒以大豆汁解之 中芫花毒以防風甘草桂並解之 中半夏毒以生姜

汁乾姜並解之 中附子烏頭毒大豆汁遠志汁並可解之 中杏仁毒以藍子

汁解之

食金已死者取雞屎半升水淋得一升飲之日三服

又方吞水銀二兩即裹金出少者一兩亦足姚云一服一兩三度服之扶坐與之令

入腹即活

又方鴨血及雞子亦解之

今取一種而兼解眾毒 取甘草咬咀濃煮多飲其汁并多食葱中涕並佳

又方煮大豆令涕多飲其汁無大豆豉亦佳 又方藍青藍子亦通解諸毒常預畜

之 又方煮薺芫令濃飲一二升祕方卒無可煮嚼食之亦可作散服之此約在

諸約中諸約則皆驗 又方凡煮此約汁解毒者不可熱飲之諸毒得熱更甚宜

使小冷為良

席辯刺史云嶺南俚人毒皆因食得之多不即覺漸不能食或更心中漸脹并背急

悶先寒似瘴 微覺即急取一片白銀含之一宿銀變色即是約毒也銀青是藍

約銀黃赤是茵約久久者入眼眼或青或黃赤青是藍約黃赤是茵約俚人有解

療者畏人得知在外預言三百牛約或云三百兩銀約余久任以首領親狎知其

約常用俚人不識本草乃妄言之其方並如後也

初得俚人毒約且令定方 生姜四兩甘草三兩炙切以水六升煮取二升日服三

服服訖然後覓藥療之

療方 常山四兩切白鹽四錢以水一斗漬一宿以月盡日漬月一日五更以土釜

煮勿令奴婢雞犬見煮取二升旦分再服服了少時即吐以銅器貯取若青色以

杖舉五尺不斷者即藥未盡二日後更一劑席辯曾飲酒得藥月餘始覺首領梁
墳將土常山與席呼為一百頭牛約服之即差差後二十日慎毒食唯有煮飯食
之前後得差凡九人

又方黃藤十兩嶺南皆有切以水一斗煮取二升分三服服訖毒約內消若防已俚
人葯常服此藤縱得自然不發席云常服之利小便亦療數人 又方都淋藤十
兩嶺南皆有土人悉知俚人呼為三百兩銀其葉細長有三尺微藤生切以水一
斗和酒二升煮取三升分三服服訖毒約並逐小便出十日慎毒食不差更服之
即愈 又方乾藍實四兩白花藤四兩出雋州者上不得取野葛同生者切以水
七升酒一升煮取半空腹頓服之少悶勿恠單乾藍搗末頓服之亦差

又療腹內諸毒 都淋藤二兩長三寸並細剉酒三升合安罌中密封以糠火燒四
邊燒令二沸待冷出溫服常令有酒色亦無所忌大効

若不獲已食俚人食者 先取甘草一寸炙之後熟嚼吞之若食著毒約即吐便是
得葯依前法療之席辯云常囊貯甘草十片以自防

附方

勝金方治一切毒 以胆子礬為末用糯米糊丸如雞頭實大以朱砂衣常以朱砂
養之冷水化一丸服立差

經驗方解熱毒上攻如聖散 露蜂房甘草等分用麩炒令黃色去麩為末水二碗煎至八分一碗令溫臨臥頓服明日取下惡物

外臺祕要治諸葯石後或熱噤多向冷地臥又不得食諸熱麩酒等方 五加皮二兩以水四升煮取二升半候石發之時便服未定更服

孫思邈論云有人中烏頭巴豆毒 甘草入腹即定方稱大豆解百葯毒嘗試之無效乃加甘草為甘豆湯其效更速

梅師方蜀椒閉口者有毒誤食之便氣欲絕或下白沫身體冷急煎桂汁服之多飲冷水一二升忽食飲吐將水煎濃豉汁服之

聖惠方治硫黃忽發氣悶用羊血服一合效

又方治射罔在諸肉中有毒及漏脯毒 用貝子末水調半錢服效或食麩臙毒亦同用

初虞世方治葯毒祕效 巴豆去皮不出油馬牙硝等分合研成膏冷水化一彈子

許服差

治食中諸毒方第六十九

蜀椒閉口者有毒載人咽氣便欲絕又令人吐白沫 多飲桂汁若冷水一二升及多食大蒜即使愈

苜蓿毒煮甘草汁搗藍汁飲並良 苦瓠毒煮黍稷令濃飲汁數升佳

食馬肝中毒 取牡鼠屎二七枚兩頭尖者是水和飲之未解者更作

食六畜鳥獸 僕頭垢一錢七小品云起死人又飲豉汁數升良

慎不可飲熱殺人比見在中椒毒含蒜及薺芫差

鈎吻葉與芥相似誤食之殺人方 薺芫八兩水六升煮取三升服五合日五服又

云此非鈎吻

食諸菜中毒發狂煩悶吐下欲死方 取雞屎燒末服方寸七不解更服又煮葛根

飲良

凡物肝臟自不可輕噉自死者彌勿食之生食肝中毒 搗附子末服一刀圭日三

服

肉有箭毒以蓋汁大豆解射肉毒

食醬肉謂在密器中經宿者及漏脯茅屋汁露脯為漏脯此前並有毒 燒人屎末

酒服方寸七

又方搗薤汁服二三升各連取以少水和之

食黍米中藏脯中毒方 此是醬脯煮大豆一沸飲汁數升即解兼解諸肉漏毒

食自死六畜諸肉中毒方 黃蘗末服方寸七未解者數服

六畜自死皆是遭疫有毒食之洞下亦至堅積並宜以痢丸下之

食魚中毒 濃煮橘皮飲汁小品云冬瓜汁最驗

食猪肉遇冷不消必成蟲癰下之方 大黃朴硝各一兩芒硝亦佳煮取一升盡服

之若不消并皮研杏子湯三升和三服吐出神驗

食牛肉中毒煮甘草飲汁一二升

食馬肉洞下欲死者 豉二百粒杏子二十枚吹咀蒸之五升飯下熟合搗之再朝

服令盡

此牛馬皆謂病死者耳

食鱸魚肝及鯢魚中毒 剉蘆根煮汁飲一二升良 解毒濃煮香蘇飲汁一升

飲食不知是何毒 依前甘草薺芫通療此毒皆可以救之

食薤菜誤吞水蛭蛭噉臟血腸痛漸黃療瘦者 飲牛羊熱血一二升許經一宿便

暖猪胎一升飲之便下蛭

食菌遇毒死方 絞人屎汁飲一升即活服諸吐痢丸亦佳又掘地作土漿服二三

升則良

誤食野芋欲死療同菌法

凡種芋三年不取亦成野芋即殺人也

附方

梅師方治飲食中毒魚肉菜等 苦參三兩以苦酒一升煎三五沸去滓服之吐出 即愈或取煮犀角汁一升亦佳

又方治食狗肉不消心下堅或腹脹口乾發熱妄語煮芦根飲之

又方杏仁一升去皮水三升煎沸去滓取汁為三服下肉為度

金匱方治解串毒 紫蘇煮汁飲之三升以子汁飲之亦治凡蟹未經霜多毒

又聖惠方以生藕汁或煮乾蒜汁或冬瓜汁並佳

又方治雉肉作臙食之吐下 用生犀角末方寸七新汲水調下即差

唐崔魏公云某夜暴亡有梁新聞之乃診之曰食毒僕曰常好食竹雞多食半夏苗 必是半夏毒命生姜搗汁折齒而灌之活

金匱方春秋二時龍帶精入芹菜中人遇食之為病發時手青肚滿痛不可忍作蛟 龍病服硬糖三二升日二度吐出如蜥蜴三二个便差

明皇雜錄云有黃門奉使交廣回周顧謂曰此人腹中有蛟龍上掠閭黃門曰卿有 疾否曰臣馳馬大庾嶺時當大熱困且渴遂飲水覺腹中堅痞如柘周遂以硝石 及雄黃煮服之立吐一物長數寸大如指視之鱗甲具投之水中俄頃長數尺復 以苦酒沃之如故以器覆之明日已生一龍矣上甚訝之

治防避飲食諸毒方第七十

雜鳥獸他物諸忌法 白羊不可禱雄雞 羊肝不可合烏梅及椒食 猪肉不可

雜羊肝 牛腸不可合犬肉 雄雞肉不可合生葱菜 雞鴨肉不可合蒜及李

子蟹肉等 生肝投地塵芥不著者不可食 暴脯不肯燥及火炙不動並見水

而動並勿食 鳥獸自死口不開者不可食

水中魚物諸忌 魚頭有正白連諸脊上不可食 魚無腸胆及頭無魷勿食 魚不

合烏雞肉食 生魚目亦不可作鱠 魚勿合小豆藿 青魚鮮不可合生胡荽

蟹目凹者不可食 蟹肉不可合雞鴨子及赤莧菜食之 妊娠者不可食鱸魚

雜果菜諸忌 李子不可合雞子及臨水食之五月五日不可食生菜病人不可食

生胡芥菜妊娠勿食桑椹並鴨子巴豆藿羹半夏菖蒲羊肉細辛桔梗忌菜甘草

忌松菜牡丹忌胡荽常山忌葱黃連桔梗忌猪肉茯苓忌大醋天門冬忌鯉魚

附方

食醫心鏡黃帝云食甜瓜竟食鹽成霍亂

孫真人食忌蒼耳合猪肉食害人又云九月勿食被霜瓜食之令人成反胃病

治卒飲酒大醉諸病方第七十一

大醉心腹腸爛 作湯於大器中以漬之冷復易

大醉不可安卧常令搖動轉側又當風席地及水洗飲水最忌於交接也

飲醉頭痛方 刮生竹皮五兩水八升煮取五升去滓然後合納雞子五枚絞調更

煮再沸二三升服盡

飲後下痢不止 煮龍骨飲之亦可未服

連月飲酒喉咽爛舌上生瘡 搗大麻子一升末黃柏二兩以蜜為丸服之

飲酒積熱遂發發黃方 雞子七枚苦酒漬之封密器中納井底二宿當取各吞二枚

枚漸盡愈

大醉酒連日煩毒不堪方 蔓青菜并少米熟煮去滓冷之便飲則良

又方生葛根汁一二升乾葛煮飲亦得

使難醉則不損人方 搗柏子仁麻子仁各二合一服之乃以飲酒多二倍

又方葛花並小豆花子末為散服三二七又時進葛根飲枇杷葉飲并以雜者乾蒲

麻子等皆使飲而不病人胡麻亦熬酒先食鹽一七後則飲酒亦倍

附方

外臺祕要治酒醉不醒 九月九日真菊花末飲服方寸七

又方斷酒用驢駒衣燒灰酒服之 又方鸕鷀糞灰水服方寸七

聖惠方治酒毒或醉昏悶煩渴要易醒方 取柑皮二兩焙乾為末以三錢七水一

中盞煎三五沸入鹽如茶法服妙

又方治酒醉不醒 用菘菜子二合細研并花水一盞調為二服

千金方斷酒法 以酒七升著瓶中硃砂半兩細研著酒中緊閉塞瓶口安猪圈中任猪搖動經七日頓飲之

又方正月一日酒五升淋確頭杵下取飲 又方治酒病眩暈白各半升水二升煮取一升頓服

葛仙翁肘後備急方卷之七終

瘦樵程永培校

治百病備急丸散膏諸要方第七十二

裴氏五毒神膏療中惡暴百病方 雄黃朱砂當歸椒各二兩烏頭一升以苦酒漬

一宿猪脂五斤東面陳蘆煎五上五下絞去滓內雄黃朱砂末攪令相得畢諸卒

百病溫酒服如棗核一枚不差更服得下即除四肢有病可摩癰腫諸病瘡皆摩

傅之夜行及病冒霧露皆以塗人身中佳

效方并療時行溫疫諸毒氣毒惡核金瘡等

蒼梧道士陳元膏療百病方 當歸天雄烏頭各三兩細辛川芎朱砂各二兩乾姜

附子雄黃各二兩半桂心白芷各一兩松脂八兩生地黃二斤搗絞取汁十三物

別搗雄黃朱砂為末餘攷咀以釀苦酒三升合地黃清葯一宿取猪脂八斤微火

煎十五沸白芷黃為度絞去滓內雄黃朱砂末絞令調和密器貯之腹內病皆對

火摩病上日兩三度從十日乃至三十日取病出差止四肢肥肉風瘴亦可酒溫

服之如杏子大一枚

主心腹積聚四肢痺躄舉體風殘百病效方華佗虎骨膏療百病 虎骨野葛各三

兩附子十五枚重九兩椒三升杏仁巴豆去心皮芎藭切各一升甘草細辛各一

備急方 卷八
兩雄黃二兩十物苦酒漬周時猪脂六斤微煎三上三下完附子一枚視黃為度
絞去滓乃內雄黃絞使稠和密器貯之百病皆摩傅上唯不得入眼若服之可如
棗大內一合熱酒中須臾後拔白髮以傅處即生烏猪瘡毒風腫及馬鞍瘡等洗
即差牛領亦然

莽草膏療諸賊風腫痺風入五藏恍惚方 莽草一斤烏頭附子躑躅各三四物
切以水苦酒一升漬一宿猪脂四斤煎三上三下絞去滓向火以手摩病上三百
度應手即差耳鼻病可以綿裹塞之療諸疥癬雜瘡

隱居效驗方云並療手脚攣不得舉動及頭惡風背脇卒痛等

蛇銜膏療癰腫金瘡瘀血產後血積耳目諸病牛領馬鞍瘡 蛇銜大黃附子當歸
芍藥細辛黃芩椒莽草獨活各一兩薤白十四莖十一物苦酒淹漬一宿猪脂三
斤合煎於七星火上各沸絞去滓溫酒服如彈丸一枚日再病在外摩傅之耳以
綿裹塞之目病如黍米注眥中其色緗黃一名緗膏人又用龍銜藤一兩合煎名
為龍銜膏

神黃膏療諸惡瘡百瘰瘡方 黃連黃柏附子雄黃水銀藜蘆各一兩胡粉二兩七

物細篩以臘月猪脂一斤和藥調器中急密塞口蒸五斗米下熟出內水銀又研
令調塞藏之有諸瘡先以鹽湯洗乃傅上無不差者

隱居效驗方云此膏塗瘡一度即瘥時人為聖

青龍五生膏療天下雜瘡方 丹砂雄黃芫蕪椒防己各五分龍胆梧桐皮柏皮青

竹茹桑白皮蜂房蝟皮各四兩蛇蛻皮一具十三物切以苦酒浸半月微火煎少
時乃內鴈月猪脂三斤煎三上三下去滓以傅瘡上併服如棗核大神良

隱居效驗方云主癰疽痔惡瘡等

以前備急諸方故是要驗此來積用效者亦次於後云

扁鵲陷冰丸療內脹病並蠱疰中惡等及蜂百毒溪毒射工 雄黃真丹砂別研礬

石熬各一兩將生礬石三兩半燒之鬼臼一兩半蜈蚣一枚赤足者小炙斑猫去

翅足龍胆附子炮各七枚藜蘆七分炙杏仁四十枚去皮尖熬搗節蜜和搗千杵

腹內脹病中惡邪氣飛尸游走皆服二丸如小豆若積聚堅結服四丸取痢洩下

蟲蛇五色若蟲注病中惡邪飛尸游走皆服二三丸以二丸摩痛上若蛇蜂百病

苦中溪毒射工其服者視強弱大小及病輕重加減服之

丹參膏療傷寒時行賊風惡氣 在外即支節麻痛喉咽痺寒入腹則心急脹滿胃

脇痞塞內則服之外則摩之並癰緩不隨風濕痺不仁偏枯拘屈口喎耳聾齒痛

頭風痺腫腦中風動且痛若癰結核漏瘰癧堅腫未潰傅之取消並丹癰諸腫無

頭欲狀骨疽者摩之令消及惡結核走身中者風水遊腫亦摩之其服者如棗核

大小兒以意減之日五服數用之悉效丹參蒟養各二兩莽草葉躑躅花各一兩
秦膠獨活烏頭川椒連翹桑白皮牛膝各二兩十二物以苦酒五升油麻七升煎
令苦酒盡去滓用如前法亦用猪脂同煎之若是風寒冷毒可用酒服若毒熱病
但單服齒牙痛單服之仍用綿裹嚼之比常用猪脂煎藥有小兒耳後癩子其堅
如骨已經數月不盡以帛塗膏貼之二十日消盡神效無比此方出小品

神明白膏療百病中風惡氣頭面諸病青盲風爛皆鼻耳聾寒齒痛癰腫疽痔金瘡
癬疥主之 當歸細辛各二兩萸荑芎藭蜀椒木前胡白芷各一兩附子三十
枚九物切煎猪脂十斤炭火煎一沸即下三上三下白芷黃膏成去滓密貯看病
在內酒服如彈丸一枚日三在外皆摩傅之目病如黍米內兩皆中以日向天風
可扇之瘡蟲齒亦得傅之耳內底著亦治之緩風冷者宜用之

成膏 清麻油十三兩菜油亦得黃丹七兩二物鉄鑪文火煎粗濕柳批篋絞不停
至色黑加武火仍以扇扇之絞不停烟斷絕盡看漸稠膏成煎須淨處勿令雞犬
見之齒瘡貼痔瘡服之

藥子一物方 婆羅門胡名船疎樹子國人名葯療病唯須細研勿令粗皆取其中
人去皮用之

療諸疾病方 卒得吐瀉霍亂蠱毒臍下絞痛赤痢心腹脹滿宿食不消蛇螫毒入

腹被毒箭入腹並服二枚取葯子中人暖水二合研碎服之疽瘡附骨疽腫丁瘡
癰腫此四病量瘡腫大小用葯子中人暖水碎和猪胆封上癰腫冷遊腫癰瘡此
五病用醋研封上蛇螫惡毛蝎蜈蚣等螫沙虱射工此六病用暖水研赤莧和封
之婦人難產後腹中絞痛及惡露不止痛中瘀血下此六病以一枚一杯酒研溫
服之帶下暴下此二病以粟汁研溫服之齧蟲食齒細削內孔中立愈其搗末篩
着瘡上其主肌肉此法出支家大醫本方

服鹽方療暴得熱病頭痛目眩并卒心腹痛及欲霍亂痰飲宿食及氣滿喘息久下
赤白及積聚吐逆之氣少力顏色痿黃瘡瘻諸風其服法 取上好鹽先以大豆許
口中含勿咽須臾水當滿口水近齒更用方寸匕抄鹽內口中與水一時咽不爾
或令消盡喉若久病常服者至二三月每旦先服或吐即安卒急病可服三方寸
匕取即吐痢不吐不痢更加服新患瘡服即差心腹痛及滿得吐下亦佳久病每
上以心中熱為善三五日亦服佳加服取吐痢痢不損人久服大補奔豚腎氣五
石無不差之病但恨人不服不能久服此療治不一小品云卒心痛鬼氣宿食不
消霍亂氣滿中毒醜作湯服一二升當便吐之良

萬氏常備藥 大黃桂心甘草乾姜黃連椒朮吳茱萸雄黃熟艾犀角射香菖蒲人
參芍葯附子巴豆半夏麻黃柴胡杏仁葛根黃芩烏頭秦膠等此等葯並應各少許

以前諸藥固以大要嶺南使用仍需者今復疏之衆藥并成劑藥自常和合貯此當備最先於衣食耳 常山十四兩蜀漆石膏一斤阿膠七兩牡蠣朱砂大青各三兩鱉三枚鯪鯉甲一斤烏賊魚骨馬蘭子一大升蜀升麻十四兩楨榔五十枚龍骨赤石脂羚羊角三枚橘皮獨活其不注兩數者各四兩用芒硝一升良

成劑藥 金牙散玉壺黃丸三物備急藥紫雪丹參苜草膏玉黃丸度瘴散未散理中散痢藥丁腫藥其有側注者隨得一種為佳

老君神明白散 木附子炮各二兩烏頭炮桔梗二兩細辛一兩搗篩旦服五方寸匕若一家有藥則一里無病帶行者所遇病氣皆削若他人得病者溫酒服一方寸匕若已四五日者以散三七水三升煮三沸服一升取汗即愈

云常用辟病散 真珠肉桂各一分貝母三分杏仁二分熬雞子白熬令黃黑三分五物搗篩歲旦服方寸匕若歲中多病可月月朔望服

單行方 南向社中柏東向枝取曝乾末服方寸匕姚云疾疫流行預備之名為栢枝散服神良刪煩方云旦南行見社中栢即便收取之

斷溫病令不相染方 熬豉新米酒漬常服之

小品正朝屠蘇酒法人令不病溫疫 大黃五分川椒五分木桂各三分桔梗四分烏頭一分板楔二分七物細切以絹囊貯之十二月晦日正中時懸置井中至泥正

曉拜慶前出之正旦取葯置酒中屠蘇飲之於東向葯置井中能迎歲可世無比
病此華陀法武帝有方驗中從小至大小少隨所堪一人飲一家無患飲葯三朝

一方有防風一兩

姚大夫辟温病粉身方 芎藭白芷藁本三物等分下篩內粉中以塗粉於身大良

附方

張仲景三物備急方司空裴秀為散用療心腹諸疾卒暴百病 用大黃乾姜巴豆
各一兩須精新好者搗篩蜜和更搗一千杵丸如小豆服三九老小斟量之為散
不及丸也若中惡客忤心腹脹滿卒痛如錐刀刺痛氣急口噤停尸卒死者以暖
水苦酒服之若不下捧頭起灌令下喉須臾差未知更與三九腹當鳴轉即吐下
便愈若口已噤亦須折齒灌之葯入喉即瘥

崔氏海上方云威靈仙去眾風通十二經脈此葯朝服暮效疎宣五臟冷膿宿水變
病微利不瀉人服此四肢輕捷手足温煖並得清凉時高州有人患重足不履地
經十年不瘥忽遇新羅僧見云此疾有葯可理遂入山求之遣服數日平復後留
此葯名而去此葯治丈夫婦人中風不語手足不隨口眼喎斜筋骨節風胎風頭
風暗風心風風狂人傷寒頭痛鼻清涕服經二度傷寒即止頭眩目眩白瘕風極
治大風皮膚風痒大毒熱毒風瘡深治勞疾連腰骨節風繞腕風言語澁滯痰積

宣通五臟腹內宿滯心頭痰水膀胱宿膿口中涎水好吃茶清手足頑痺冷熱氣
壅腰膝疼痛久立不得浮氣脹氣憎寒壯熱頭痛尤甚攻耳成膿而龍耳又衝眼赤
大小腸祕服此立通飲食即住黃疸黑疸面無顏色瘰癧偏項產後祕澁暨腰痛
曾經損墜心痛注氣膈氣冷氣攻衝腎臟風壅腹肚脹滿頭面浮腫注毒脾肺氣
痰熱咳嗽氣急坐臥不安疥癬等瘡婦人月水不來動經多日血氣衝心陰汗盜
汗鴆臭穢甚氣息不堪動服威靈仙更用熱湯盡日頓洗朝塗若吐若治鴆臭藥
自塗身上內外塗之當得平愈孩子無辜令母含藥灌之痔疾祕澁氣痢絞結並
皆治之威靈仙一味洗焙為末以好酒和令微濕入在竹筒內牢塞口九蒸九晒
如乾添酒重洒之以白蜜和為丸如梧子大每服二十至三十九湯酒下

千金方當以五月五日午時附地刈取葦耳葉 洗曝燥搗下篩酒若漿水服方寸
七日三夜三散若吐逆可蜜和為丸準計一方七數也風輕易治者日再服若身
體有風處皆作粟肌出或如麻豆粒此為風毒出也可以針刺潰去之皆黃汁出
乃止五月五日多取陰乾著大瓮中稍取用之此草辟惡若欲省病省疾者便服
之令人無所畏若時氣不和舉家服之若病胃脹滿心悶發熱即服之并殺三虫
腸痔能進食一周年服之佳七月七九月九可採用

治馬熱、虫、額黑、汗鼻有膿、空、空有膿、水草不進方。黃瓜、萋根、貝母、桔梗、小青、梔子、仁、吳藍、欸冬、花、大黃、白鮮皮、黃芩、鬱金、各二大兩、黃柏、馬牙硝、各四大兩、搗篩、患相當及常要啖重者、約三大兩、地黃、半斤、豉二合、蔓菁、油四合、合齋前、啖至晚、飼大效。

馬遠行到歇處良久與空草熟刷罷飲飲竟當飼 困時與料必病及水穀

六畜瘡焦痂以麩膠封之即落

馬急黃黑汗 右割取上斷訖取陳久靴爪頭水清汁灌口如不定用大黃當歸各一兩鹽半斤以水三升煎取半升分兩度灌口如不定破尾尖鏡血出即止。馬起卧胞轉及腸結此方並主之 細辛防風芍藥各一兩以鹽一升水五升煮取二升半分為二度灌後灌前用芒硝鬱金寒水石大青各一兩水五升煮取二升半以酒油各半升和絞分二度灌口中

馬羯骨脹 取四十九根羊蹄燒之熨骨上冷易之如無羊蹄楊柳枝指麕者火慰之不論數

飲馬以寅午二時晚少飲之

啖鹽法 鹽須乾天須晴七日大馬一啣一升小馬半升用長柄杓子深內咽中令下肥而強水草也

治馬後冷 豉葱姜各一兩水五升煮取半升和酒灌之即瘥

蟲類十年者 醬清如胆半合分兩度灌鼻每灌一兩日將息不得多多即損馬也
蟲類重者 葶藶子一合熬令紫色搗如泥桑根白皮一大握大棗二十枚擘水二
升煮約取一升去滓入葶藶搗令調勻適寒溫灌口中隔一日又灌重者不過再瘥
蟲類馬鼻沫出梁腫起者不可治也

驢馬胞轉欲死 搗蒜內小便孔中深五寸立瘥又用小兒屎和水灌口立瘥

又方騎馬走上坂用木腹下來去擦以手內大孔探却糞大效探法剪却指甲以油
塗手恐損破馬腸

脊瘡以黃丹傅之避風立瘥

疥以大豆熬焦和生油麻搗傅醋泔淨洗

目暈以霜後楮葉細末一日兩度管吹眼中即瘥

馬蛆蹄 槽下立處掘一尺埋雞子許大圓石子令常立上一兩日永差

啖大麻子 淨擇一升飼之治啞及毛焦大效

疥以樗根末和油麻塗先以皂莢或米泔淨洗之洗了塗令中間空少許放虫出下
得多塗恐瘡大

秘療疥以巴豆膩粉研油麻塗定洗之塗數日後看更驗